



MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES E O CONCELLO DE FISTERRA PARA A EXECUCIÓN DO PROXECTO DENOMINADO "CONSTRUCCIÓN DE ACERA PEONIL NA RÚA MIXIRICA E ARRANXO DA CAPA DE RODADURA NO VIAL"

I. Departamento que tramita o convenio

A Consellería de Presidencia, Xustiza e Deportes é o departamento ao que lle corresponde a elaboración, proposta e execución da política do Goberno galego en materia de Administración local, de conformidade co previsto no Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes (DOG núm. 101 do 27 de maio).

II. Antecedentes

A Xunta de Galicia, a través da Consellería de Presidencia, Xustiza e Deportes, ten previsto asinar un convenio de cooperación co Concello de Fisterra para executar o proxecto denominado "Construcción de acera peonil na rúa Mixirica e arranxo da capa de rodadura no vial".

Os artigos 194 e 195 da Lei 5/1997, do 22 de xullo, de administración local de Galicia (en adiante LALGA), establecen que, no que atinxe ás relacións coas entidades locais galegas, correspóndenlle á Xunta de Galicia ás competencias de cooperación e colaboración, podéndose estas materializarse mediante a subscripción de convenios.

Segundo dispoñen os artigos 25 e 26.1 da Lei 7/1985, do 2 de abril, reguladora das bases do réxime local, e 80 e 81 da LALGA, os concellos deberán prestar á súa cidadanía os servizos públicos que contribúan a satisfacer as necesidades e aspiracións da veciñanza, entre os que se atopan as infraestruturas viarias e a pavimentación das vías públicas.

O Concello de Fisterra manifestou a necesidade de asistencia por parte da Consellería de Presidencia, Xustiza e Deportes para a acometer o proxecto denominado: "Construcción de acera peonil na rúa Mixirica e arranxo da capa de rodadura no vial".

A necesidade da colaboración solicitada á Consellería acentúase pola confluencia doutros factores. Por unha banda, na actualidade non hai ningunha convocatoria en concorrencia á que poida acollerse este proxecto nin se prevé nas próximas datas.





Por outra banda, a falta de recursos dun pequeno concello para poder acometer as devanditas actuacións, nun marco orzamentario restritivo, de austeridade e control do gasto público e, asemade, necesariamente estable por imperativo legal para as entidades que integran a Administración local, configuran un contexto do que se derivan, entre outras consecuencias, a imposibilidade para o Concello de Fisterra de afrontar en solitario os compromisos económicos que a indispensable execución das actuacións obxecto de subvención, representan para a facenda local.

A realización da obra require un investimento substancial que o Concello de Fisterra non pode afrontar con recursos propios neste momento. O montante económico do proxecto, excede dos recursos locais dispoñibles actualmente, razón pola cal resulta necesario solicitar unha subvención á Xunta de Galicia pola totalidade do orzamento da obra.

III. Finalidade

O obxectivo común é mellorar as infraestruturas municipais, de forma que o concello poida prestar servizos de calidade á veciñanza.

Para os efectos sinalados, tense previsto formalizar co Concello de Fisterra o instrumento convencional a que se refire a presente memoria, cunha duración que abrangue dende a súa sinatura ata o 31 de decembro de 2025.

IV. Obxecto do convenio

O obxecto do presente convenio é fixar as liñas de colaboración entre a Consellería de Presidencia, Xustiza e Deportes e o Concello de Fisterra para executar o proxecto denominado "Construcción de acera peonil na rúa Mixirica e arranxo da capa de rodadura no vial", cun orzamento total de 45.461,88 € (IVE incluído).

V. Fundamentos do convenio

O convenio fundaméntase na necesidade de responder de contado ante a grave situación na que se atopa o Concello de Fisterra xa que a situación actual é a de inexistencia de beirarrúas no lateral da rúa Mixirica. Esta actuación é necesaria para garantir a seguridade da veciñanza e tamén pola existencia de dous portais e garaxes nos edificios de nova construción da rúa.

As actuacións previstas supoñen que se mellore substancialmente a seguridade na circulación dos peóns ao construír a beirarrúa, que existe actualmente por un solo lateral da rúa. Así





mesmo, conséguese eliminar as barreiras arquitectónicas existentes e unha mellora estética fronte ao estado actual da zona.

Así pois, este convenio de colaboración responde ao interese público e social que representa a acción de fomento da Consellería de Presidencia, Xustiza e Deportes respecto da execución dunhas actuacións necesarias para o normal funcionamento da entidade local, que lle permitan exercer as competencias e prestar os servizos que a normativa básica en materia de réxime local lles atribúe aos concellos, como Administración máis próxima aos administrados.

A conxuntura descrita, a necesidade de asistencia manifestada polo Concello e o obxectivo da actuación, así como a existencia de crédito adecuado e suficiente para a súa aplicación eficaz no restablecemento dos servizos municipais sobre os cales se actuará a través do convenio que se pretende subscribir, acreditan a existencia de razóns de interese público que xustifican o feito de recorrer ao procedemento excepcional de concesión directa dunha subvención a favor do Concello de Fisterra.

Así mesmo, esta actuación resulta de interese para a Xunta de Galicia polo que supón de potenciación e apoio á prestación de servizos por parte dos concellos, como Administración mais próxima aos administrados.

Conforme co establecido no artigo 26.2º da Lei 9/2007, do 13 de xuño, de subvencións de Galicia, faise constar que neste convenio non son de aplicación os principios de publicidade e concorrencia pública, xa que o obxecto do convenio é atender as circunstancias específicas dese concello para a mellora das infraestruturas municipais.

Incorpórase ao expediente declaración xustificando a imposibilidade de promover a concorrencia pública, de acordo co establecido no citado artigo 26.2º.

VI. Actuación da subvención:

As obras propostas consisten na construción da beirarrúa no lateral sur, con un ancho de 1,20 m. na rúa Mixirica e a execución en zonas de capa de rodadura do vial existente coas seguintes actuacións:

- Excavación de ancho de beirarrúa para compactado con zahorra artificial para firme desta, colocando o pavimento da beirarrúa con baldosa hidráulica, bordillo e base de formigón
- Colocarase bordillo recto de formigón prefabricado sobre base de formigón, con reposición do firme do arcén/lateral mediante zahorra artificial e aglomerado en quente e en zonas do vial
- Executarase o pavimento con base de formigón en masa con maia de reparto de 30x30 de espesor 6 mm. De 10 cm. Na zona das dúas entradas aos garaxes e baldosa de dimensións 20x20 respectando a xeometría e niveis existentes.





Remataranse as obras repoñendo o firme do arcén/lateral mediante zahorra artificial e aglomerado en quente D12 de 5 cm e en zonas do vial.

VII. Importe e aplicación orzamentaria

O importe total das actuacións a realizar ao abeiro deste convenio ascende á cantidade de corenta e cinco mil catro centros sesenta e un euros con oitenta e oito céntimos (45.461,88 €) IVE incluído, segundo a memoria detallada e valorada, cuxo orzamento se xunta como anexo I a este convenio e do cal forma parte.

Para dar cumprimento aos obxectivos deste convenio a Consellería de Presidencia, Xustiza e Deportes, a través da Secretaria Xeral Técnica, achegará a cantidade máxima cantidade de **corenta e cinco mil catro centros sesenta e un euros con oitenta e oito céntimos (45.461,88 €)**, con cargo á aplicación orzamentaria 05.01.121A.760.0 (código de proxecto 2015 00088). Esta cantidade representa o 100 % do orzamento do proxecto.

VIII. Polo exposto, considérase xustificada a utilización do instrumento convencional para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Santiago de Compostela, data da sinatura dixital

O secretario xeral técnico
Francisco Javier Abad Pardo

